

## Mostra

Bello Mondo – Laura Pan

tl self dla mostres dla Lia Mostra d’Ert

**Dureda dla mostra: 19.04.2025 – 10.05.2025**

**Orar de giaurida:**

**merdi – venderdi: 16:00-19:00**

**sada y dumënia: 10:00-12:00 y 16:00-19:00**

**Finissage: 09.05.2025 dala 18:00**

Mi poetica pëia via da na tueda identitera te n raion, l Südtirol - Alto Adige, ulache l passà ne n’ie mo nia storia y l’identità à conotazions etniches. Ie son na “zënza ncësa”, sudtiroleja de rujeneda dl’oma taliana, ma son tresora tl dialogh cun l paesaje per jì a crì liams y nflusc che possa cunliè mi/nosc bujën de tuché nzaul leprò, jan sëura i cunfins dla lerch y dl tēmp ora. L sentiment de vester fulestiera me à dat la sburdla per fé studies interdisciplineres oradecà. La pitura me à giaurì la porta ala geografia te mi dedite; tla Nghiltiera ei studià sciences dl chino, ti jan permez a na rujeneda plu universela, fata de elemënc dl reél. Canche son ruveda de reviers tla Talia ei for rujenà inant cun l raion. É cris chël che fej ora la ravises y l’identità, y ti son jita daujin ai materiai de chësta tiera, me giaurian ala scultura. Ie tole l leniam da de vedli tubei da tlo, suvënz cënc d’ani vedli, y feje mi fundamënta limpea. Cun l’antica tecnica fotografica dla cianotipia, n luminei i aspec soziei che fova nchinamò te dumbria. Da trëi ani incà lëuri deberieda cun d’altra ëiles: cun la roda da filé filons la lana de nosta tiera, renfurzan da una na pert la cusciencia di materiai y de mi vester ëila y dal’altra l liam danter nëus. Da chësc ritus ie nasciù mi lëur “Quelque jeunes mères, (mes amis!)”, na videonstalazion a forma de cërtil che trata dl argumënt de vester nia sëula y parturì. Te chësta opra me gëuri a na reflescion nueva che vëija la vasa coche simbul uet, che ie de bujën per tò su l auter.

*BEL MOND*

*Avëi gën, prijé*

*avëi da stramp gën l mond*

*chël muessen sën.*

*Tumé te si fecondazion*

*te si strategies dl’ansciuda dla lum*

*y l jì dojù dl surëdl*

*tla seduzion de si belëza salvera.*

*Mariangela Gualtieri*

Cun l titul “Bello Mondo”, che é sëurantëut dal titul dla poeja de Mariangela Gualtieri, ulëssi prejenté mi pitures, fates te chisc ultimi cin ani, al publich de Gherdëina. L ie l prim iede che prejente mi lëures te chësta valeda, che ie plëina de uedli y mans cun esperienza. Mi pitura astrata gëura i ujes a d’autri monc che possa unì a s’l dé. Ie festejeie la legrëza dla vita, cun culëures, risses y movimënt. Na criazion y trasformazion tresora, tenida fërma sun tëila.

Biografia curta

Laura Pan nasc tl 1995 a Bulsan. Do avëi studià tl’Accademia di Belle Arti de Unieja fejela tl 2019 la laurea tla Film Falmouth University. Tl 2020 lëurela coche restauradëura/costrutëura de berches de lën a Den Helder (NL). Canche la ie ruveda de reviers tla Talia, mëtela su cun doi atëures IEVALS, n coletif d’ert y teater metodich uriginel y partezipatif ulache lueges spezieles (ciamps da mëiles, ex casermes) devënta la paladina, vencian doi ani ndolauter l cuncors “Generations”.

TI 2021 gëurela si studio tla ex caserma Druso a Schlanders. Tlo lëurela – daujin al chino, l teater y la pitura – nce cun na gran varietà de materiai, coche l lën y l sas. Dlongiavia fejela n curs de luteda tla scola profesciunela de Schlanders.

TI 2022 mperela a filé la lana, fibres vegeteles y a adurvé la tecnica fotografica dla cianotipia.

TI 2023 vëniela nciariada dal Istitut Max Planck per ilustré l liber academich “Alpine Geschichten des globalen Wandels“ cun la tecnica dla cianotipia.

TI 2024 gëurela si atelier tla lercs dl Künstlerbund a Bulsan.

Te Laura Pan iel madurì na cumprension nueva di materiai, dla lerch, de si storia y chëla de Südtirol - Alto Adige.

Daujin al’attività artistica, curela, mëtela a jì y fejela grafiches per manifestazions cultureles y cursc d’ert ulache la spartësc si pratica artistica cun d’autri.



CIRCOLO LIA MOSTRA D'ERT - URTIJËI  
KREIS FÜR KUNST UND KULTUR - ST.ULRICH  
CIRCOLO ARTISTICO E CULTURALE - ORTISEI

Plaza S. Antone 102

I - 39046 Urtijëi (BZ)

[http:// www.circolo.org](http://www.circolo.org)

[info@circolo.eu](mailto:info@circolo.eu)

tel. +39 377-5936350